

աջ կողմից իլիկի անջուկ՝ ականջ, որը մեծ մասամբ շինվում է վօսու ծառի արմատից հանած թելից, իսկ ձախ կողմից՝ լսէնը՝ իլիկի նստեցրած փայտե, մետաղե կամ կաշվե օղակ:

Թօփը պտտեցնելու համար նէտին՝ առանցքին ուղղահայաց ամրացված է կուր, իսկ սրան՝ մանիշը<sup>113</sup> կամ շրլարհօկը<sup>114</sup> կամ շուռավիկը<sup>115</sup>, որից մանողը բռնում է:

Թելը մանելուց հետո ֆրքում են ֆրքիշի օգնութեամբ, որը արկաթից դամբրչու՝ դարբնի շինած կամ ոսկորե, փայտե կօկլիկ բարակ ձողիկ է, մոտ 10 սմ երկարությամբ: Զգած թելը մեկ անգամ նրա վրա օլօր են գցում և առաջ ու ետ տանելով՝ բոլոր ավելորդ մազիկներից մաքրում և անհարթությունները վերացնում: Թելը ձգելու համար հաճախ դիմում են շատ նախնական եղանակին: Կինը նստում է գետնին, առաջ է քաշում մերկ ձախ ոտը, ձախ ձեռքով թելը անց է կացնում ոտի բուլթ մատի վրայով, իսկ աջ ձեռքով ֆրքիշը մի քանի անգամ ետ ու առաջ է տանում: Քրքած թելը փաթաթում է ձախ ձեռքի մատների վրա:

Իլիկի վրայից թելն անցնում է վիլաբարի կամ վիլատուրի<sup>116</sup> վրա: Սա ուղղահայաց առանցքի վրա գազաթի ծակով խաշած և նստեցրած բարակ ու նեղ տախտակների երկար զույգ աղեղներ են: Գազաթների խաշած մասն կետով անցնում է առանցքը, իսկ նրանց ծայրերն ուղղված են վեր և հանդիպակաց իրար մոտեցրած են և որոշ հեռավորության վրա պահվում են բարակ հորիզոնական տախտակիկներով: Նույն առանցքն անցնում է նաև այս տախտակիկների խաշած մասն կետով: Աղեղների շորս վերին ծայրերը թելով իրար հետ շուրջը կապված են: Ամբողջ գործիքը պտտեցնում են առանցքի ստորին երկարացրած մասից բռնած: Թելը փաթաթվում է աղեղների կողերով և այսպես կազմվում են վիլաներ<sup>117</sup>:

Վիլաներն այնուհետև հազցնում են վիլահիլի<sup>118</sup> տախտին հաստատված ուղղահայաց առանցքի վրա: Հորիզոնական նստեցրած են կենտրոններում շինած ծակերով երկու զույգ բարակ և նեղ տախտակների խաչեր՝ վերևը ավելի կարճ, ներքևն ավելի երկար քելվերավ: Այդ խաչերի ծայրերը վերևից ներքև և աջից ձախ միացրած են բրդե հաստ թելերով: Վիլաները հազցնում են կողերի երկար շորս քելվերի վրա: Վիլայի՝ կաթի թելի մի ծայրից քաշելով՝ վիլանիլը պտտվում է, թելը արձակվում է ու որևէ բանի վրա փաթաթվելով կծիկներ է կազմում:

Թել էին պատրաստում, բացի բրդից, նաև բամբակից և մետաքսից: Բամբակը ձեռք էին բերում Նախիջևանի, Մեղրու կամ Զանգեզուրի շրջաններից, հնում մեծ մասամբ փոխանակությամբ՝ դիմացը տալով յուղ, պանիր, բուրդ, երբեմն նաև կաշի: Մետաքսը մասամբ տեղական էր, մասամբ դրսից բերովի կրկին նույն շրջաններից<sup>119</sup>:

Թելը բազմազան գործադրություն ուներ: Նրանով գործում էին կնիպա, գորգ, կարպետ, շալ:

113 Բռնակոթ:

114 Խնձորեսկ:

115 Գորիս:

116 Արծվանիկ:

117 Վիլա—МОТОК, կաթ:

118 Վիլանել—Արծվանիկ, վրէճ—Գորիս:

119 Հնում նաև Իրանից: